

## आकाशवाणी

### Evening Dogri (NSD) Bulletin

21-01-2025

#### खबरां पवन वर्मा कोला

- राष्ट्रपति डोनाल्ड ट्रम्प होंरे White House च अपनी वापसी च कार्यकारी आर्डर दी श्रृंखला उप्पर हस्ताक्षर कीते जिंदे च जो बिडन हुंदी 78 नीतिये गी रद्द करी दिता गेआ।
- डब्ल्यू.एच.ओ दे प्रधान डॉ. टेड्रोस अधनोम धेब्रेयस होंरे ट्रम्प प्रशासन आसेआ संगठन थमां हटने दे कार्यकारी हुक्म दा जवाब दिता।
- गृह मंत्री अमित शाह होंरे आखेआ ऐ जे सुरक्षाबले नक्सल मुक्त भारत बनाने दी दिशा च बड्डी सफलता हासल कीती ऐ।
- पच्छिम बंगाल सरकार नै अज्ज कलकत्ता उच्च न्यायालय च आरजी कर दुष्कर्म ते हत्या मामले च इक विशेष न्यायालय च अपील दायर कीती ऐ।
- सरकार नै आखेआ ऐ जे देसै च 4 करोड़ शा मते सुकन्या समृद्धि खाते खोले गे न।
- हॉकी इंडिया ते लीग च पुरुष वर्ग च यू.पी रूद्रास दा मकाबला गोनासिका कन्ने रोडकिला च संझा 8 बज्जियै 15 मिनट उप्पर होग।

<><><><><><>

Trump Admin Order

राष्ट्रपति डोनाल्ड ट्रम्प हारे व्हाइट हाउस औने देकिश गै घंटे मगरा जो बाइडेन हुन्दी 78 नीतियें गी रद्द करदे होई केंई प्रशासनिक आदेशें पर दस्तखत कीते न। इक प्रमुख आदेश च, राष्ट्रपति ट्रम्प हारें विश्व स्वास्थ्य संगठन-डब्ल्यू.एच.ओ. सोयां हटाने दा निर्देश दिता। अपने आदेश च ट्रम्प नै वैश्विक स्वास्थ्य एजेंसी सोयां हटने आस्तै केंई कारणें दा हवाला दिता। जिनदे च कोविड-19 महामारी सोयां ठीक ढगै कन्नै निबडने ते फौरी तौर पर उपा करने च विफलता शामिल ऐ। ट्रम्प हारें डब्ल्यू.एच.ओ. पर आरोप लाया जे ओह महामारी दे प्रकोप दौरान दिशा-निर्देश जारी करने च चीन प्रति पक्खपाती रेआ। श्री ट्रम्प हारें पेरिस जलवायु समझौते सोयां हटने दी प्रक्रिया शुरू करने दे आदेश पर बी दस्तखत कीते न। उने जलवायु सरबंधी नीतियें गी पलटद् होई तेल, गैस ते खनन गतिविधियें गी सुविधाजनक बनाईऐ अमरीकी ऊर्जा उत्पादन दा विस्तार करने आस्तै आपातकालीन शक्तियें दा भी इस्तेमाल कीता। राष्ट्रपति ट्रम्प हारें अमरीका च जन्मे, गैर-नागरिक दम्पतियें दे बच्चे गी स्वतः नागरिकता प्राप्त होने दे नियम गी आधिकारिक रूप कन्नै खतम करी दिता। सरबंधी आदेश च आक्खेआ गेआ ऐ जे अमरीका च जन्मे बच्चे गी नागरिकता दिते जाने आस्तै, उसदे माता-पिता चां कुसै इक दा अमरीकी नागरिक होना, स्थायी कानूनी निवासी यानी ग्रीन कार्डधारक ते अमरीकी सेना दा सदस्य होना अनिवार्य होग।

<><><><><><>

WHO-USA

विश्व सेहत संगठन दे प्रधान डॉ. ट्रेडोस अधनोम धेब्रेयस हारें ट्रम्प प्रशासन आसेआ संगठन थमां हटने दे कार्यकारी हुक्म दा जवाब दिता। उनें सोशल प्लेटफार्म एक्स पर

लिखेआ ऐ जे डब्ल्यूएचओ दे फैसले पर बड़ा अफसोस ऐ। डॉ. टेड्रोस होरें उब्ल्यूएचओ दे मिशन च संस्थापक सदस्य ते मुख योगदान देने आहले दे तौरा पर अमरीकी भूमिका उप्पर लो पाई। उनें इस सांझेदारी गी बचाने लेई गल्लबात करने लेई आखेआ।

<><><><><><><><>

Bihar-Om Birla

एसोसिएशन ऑफ लैजिस्लेटिव बाडीज ऑल इंडिया प्रिजाइडिंग आफिसर्स दे सम्मेलन नै लैजीस्लेटिव बाडीज दी कार्रवाई दौरान शोर-शराबे मुक्त माहौल गुणात्मक बहस ते चर्चा गी यकीनी बनाने दा संकल्प लैता ऐ। विधानसभाएं दे संसद दे शीर्ष संगठन नै पटना च AIPOC दे 85में सम्मेलन दे समापन दिन 5 प्रस्ताव अपनाए। मडिया आहलें कन्नै गल्लबात करदे होई लोकसभा स्पीकर ते AIPOC दे साबका अध्यक्ष ओम बिरला होरें आखेआ जे सदस्यें संविधान दी 75मीं बरसी दे बरे च समाज दे बक्ख-बक्ख वर्गें तकर पुज्जने ते संवैधानिक मूल्यें दी पुज्ज गी बधाने दा फैसला कीता ऐ। श्री बिरला होरें आखेआ ऐ जे AIPOC नै भारतीय संविधान उप्पर पूरी चाल्ती विश्वास जताया ऐ।

<><><><><><><><>

Shah

गृह मंत्री अमित शाह होरें आखेआ ऐ जे सुरक्षाबलें नक्सल मुक्त भारत बनाने दी दिशा च बड्डी सफलता हासल कीती ऐ। सोशल मीडिया पर पोस्ट च श्री शाह होरें आखेआ जे ओडिशा-छत्तीसगढ़ सीमा पर केंद्रीय रिजर्व पुलस बल, ओडिशा ते छत्तीसगढ़ पुलस नै इक्क संयुक्त अभियान च 14 नक्सलियें गी मारी मकाया। उनें आखेआ जे सरकार ते सुरक्षा बलें दे सांझे प्रयास कन्नै भारत नक्सल मुक्त होई जाग।



## West Bengal

पच्छिम बंगाल सरकार नै अज्ज कलकता उच्च न्यायालय च आरजी कर दुष्कर्म ते हत्या मामले च इक्क विशेष न्यायालय च अपील दायर कीती ऐ। सरकार नै उच्च न्यायालय थवां दोषी संजय राय गी आजीवन कारावास दे बदले मृत्युदंड दी मंग कीती ऐ। संजय राय गी पिछले साल अगस्त च कोलकाता दे आरजी कर मेडिकल कालेज ते अस्पताल च इक जूनियर डाक्टर कन्नै दुष्कर्म ते हत्या करने दा दोष ठहराया गेआ हा। राज्य दे महाधिवक्ता किशोर दत्ता नै इस सरबंध च न्यायमूर्ति देबांग्शु बसाक ते न्यायमूर्ति शब्बर रशीदी दी खंडपीठ च अपील दी याचिका दायर कीती ऐ। खंडपीठ नै याचिका स्वीकार करी लैती ऐ।



## PM-Janjatiya Sammelan

सरकार नै अज्ज नमीं दिल्ली च प्रधानमंत्री जनजातीय आदिवासी न्याय महाअभियान उप्पर जिलाधिकारियें दा इक राश्ट्री सम्मेलन आयोजित कीता गेआ। सम्मेलन च पी.एम जन मन दे तैहत 6 मुख्य खेतरें उप्पर ध्यान केंद्रित कीता गेआ ऐ। इंदे च आवास, शिड़क, आंगनावाड़ी, स्कूल, छात्रावास, बहुउदेशीय केंद्र ते वन धन विकास केद्र शामिल न।



## Amrit-Udyan

राष्ट्रपति भवन दा अमृत उद्यान अगले म्हीने दी 2 थमां 30 मार्च तक र लोके लेई खुल्ला रौहंगं लोक सोमवारें गी छोड़ियै हफते च 6 दिन बडलै 10 बजे थमां लेइयै संझा 6 बजे तककर उद्यान च आई सकदे न। बाग च प्रवेश मुफ्त ऐ ते राष्ट्रपति भवन दी वेबसाइट थमां कीता जाई सकदा ऐ। राष्ट्रपति भवन च 6 मार्च थमां शुरू होने आहले अमृत उद्यान दे हिस्से दे तौरा पर 4 दिनें दा विविधता का अमृत महोत्सव बी होग। महोत्सव च दक्खन भरत दी समृद्ध सांस्कृतिक विरासत ते बेजोड़ परम्पराएं दा प्रदर्शन कीता जाग।

<><><><><><>

CM- Rajouri

राजौरी जिले दे बडहाल गांs च 17 लोके दी रहस्यमयी बमारी करी मौत होई गई ऐ। एहदे मददेनजर मुखमंत्री उमर अब्दुल्ला होंे राजौरी दा दौरा लाया। अपने दौरे दौरान उनें पीड़ित परोआरें कन्ने मलाटी कीती ते अपनी संवेदना प्रकट कीतियां। उनें दुख दी इस घड़ी च सौगी परोआरें गी मदद दा भरोसा दोआया। इनें 17 मौतें करी उत्थे लोके च डर-त्राह पैदा होई गेदा ऐ। उमर अब्दुल्ला होंे इनें मौतें पर दूंगी चिंता जाहिर कीती ते मुकामी लोके गी भरोसा दोआया जे इनें मौतें दे कारणे दा पता लाया जागं कई सारी एजेसिएं आसेआ इस मामले दी जांच कीती जा रदी ऐ। उच्च सतह दी अंतर मंत्रालय टीम त्रै परोआरें दे 17 मिम्बरें दी होई दी मौती दे कारणे दा पता लाने लेई जांच करा'रदी ऐ। प्रशान नै जांच लेई परतिए नमूने लैने मगरा मकान गी परतिए सील करी



## Hockey India League

अज्ज हॉकी इंडिया लीग च पुरुष वर्ग च यू.पी रूद्रास दा मकाबला गोनासिका कन्नै रोडकिला च संझा 8 बज्जियै 15 मिनट उप्पर होग। हालांकि जेएसडब्ल्यू सूरमा हॉकी क्लब नै कल संझा रोडकिला दे बिरसा मुंडा हाकी स्टेडियम च सराची राह बंगाल टाइगर्स गी 2-1 कन्नै हराया। जेएसडब्ल्यू सूरमा आस्तै भ्रभजोत सिंह ते मनिंद्र सिंह होरें गोल कीते जिसलै के टाइगर्स आस्तै इकलौता गोल जुगराज सिंह होरें कीता।

<><><><><><>

## Sopore-Encounter

पुलस महानिरीक्षक कश्मीर जोन विधि कुमार बिरदी होरें जानकारी दिती ऐ जे सोपोर च ऐतबारें कोला शुरू होए दा टाकरा अज्ज मुक्की गोआ ऐ। पत्रकारें कन्नै गल्ल करदे होई आई.जी.पी कश्मीर होरें इस गल्ल दी तसदीक कीती ऐ जे सोपोर दे गुज्जपती, जालूरा च जारी अभियान इक्क फौजी जवान दी शहादत कन्नै मुक्की गोआ ऐ। एह अभियान टकोहदी जानकारी थहोने मगरा चलाया गोआ हा जेदे कन्नै आतंकवादियें दे छप्पने आहली थाहर गी तबाह करी दिता गोआ ऐ।

<><><><><><>

## Foundation-Day

मेघालय, मणिपुर ते त्रिपुरा दे स्थापना दिवस गी अज्ज राजभवन जम्मू च धूमधाम कन्नै मनाया गोआ। एक भारत श्रेष्ठ भारत दी भावना गी बढ़ावा देने दे उद्देश्य कन्नै इस कार्यक्रम आस्तै जम्मू-कश्मीर च रवा करदे इनें राज्यें दे विद्यार्थियें, सुरक्षाकर्मियें ते आम लोकें गी इक थाहर पर किट्ड़ा करिए एह दिन मनाया गोआ। लेफ्टिनेंट गवर्नर

मनोज सिन्हा हौरें त्रिपुरा, मेघालय ते मणिपुर दे लोकें गी इस दिन लेई मुबारकबाद दिती ते राष्ट्र निर्माण च उन्दे योगदान लेई उंदा नमन कीता। मनोज सिन्हा हौरें इनें राज्यें दी तरक्की, शांति ते खुशहाली लेई कामना कीती।

<><><><><><>

Turki-Fire

उत्तर पच्छमी तुर्की च स्की रिसार्ट दे इक्क होटल च अग्ग लग्गने करी 10 लोकें दी मौत होई गई जदके 32 लोक घायल होए न। अधिकारियें होटल च रवा रदे करीब 230 लोकें गी बाहर कड्डेआ ऐ। तुर्की दे गृह मंत्री अली येरलिकाया नै दस्सेआ जे कार्तलकाया च प्हाड़ें पर स्थित इस रिसार्ट दे 12 मंजिला ग्रैंड कार्तल होटल दे रेस्तरां च अग्गल लग्गी ही। घटना दे बाद एहतियात दे तौरा पर आले दोआले दे होटलें गी बी खाली कराया गेआ। अग्ग लग्गने दे कारणें दा अजे पता नेई लग्गेया ऐ।

<><><><><><>